

Inatsisartut suleriaasiat § 37 immikkoortoq 1 naapertorlugu matumuuna Naalackersuisunut apeqqutit imaattut saqqummiuppakka:

- 1. Naalackersuisut nassuiaatigisinnaavaat avaleraasartuunik pisassinneqartut qulakkeerlugu namminneq pisassatik aalisarneraat imaluunniit pisassaminnik tunisaqarnersut allanut aalisariutaatilinnut?**
- 2. Qanoq qulakkeerneqarpa avaleraasartuunik pisassinneqartut aqumiunik kalaallinik atuinissaat?**
- 3. Naalackersuisunit qulakkeerneqarpa Kalaallit aalisariutaanni inuttalersuisarneq pillugu Namminersorlutik Oqartussat nalunaarutaat nr 13, 17. november 2011-meersoq malinneqarnersoq malitsinniarneqarlunilu?**

(Saxtorph Didriksen, Siumut)

Tunngavilersuut:

Aalisarnermut, Piniarnermut Nunalerinermullu Naalackersuisup, Finn Karlsen-ip, 12.05.2014 avaleraasartoortassat Tunumi misileraalluni aalisarneqartussat pillugit agguasineranut imatut tunngavilersuuteqassaanga.

Qulakkeerusuppara pisassiissutinik pisassinneqartut 50% - ii Kalaallit namminneq aalisariutaanik aalisarneqarnersut aammalu sinneri qassit attartornikkut aalisarneqarnersut.

paaserusuppara pisassiissutigineqartut tamakkiisumik ilaannakortumilluunniit tunineqarsimanersut aalisariutaatilimmut allamut. Assersuutigalugu pisassaminik tunineqartup ilumut nammineerluni pisassani aalisarnerai.

Avaleraasartoorniarnermi aammalu pisortat pigisaasa Kilisaataataanni aqumiutut nalunaarutilluunniit imarisaanik inuttaqalersinnaanerup aqqutissiunnissaa nunatta innuttaanut ilinniarsimassutsikkut inorsanngitsumik allagartalinnut piaartumik aqqutissiuusseqataanissarput pingaartillugu aammalu UPA 2014/98 oqaluuserineqarnerani Naalackersuisumik pingaartinneqartoq sapinngisamik Kalaallinik aqumioqarnissaq oqariartuutsigineqarpoq taamaattumik nalunaarutip qulaani taaneqartup malinneqarnissaa pingaartippara.

Apeqquteqaatimma ullut suliffiusut qulit iluanni akineqareersimanissaat kissaatigaara.